

愚

齋

存

稟

愚齋存彙卷第六十五目錄

電報四十二

寄長沙張嘯圃觀察鶴齡

寄北京外務部商部太原張中丞

外務部來電

寄外務部

寄江甯魏午帥武昌張香帥

寄外務部

太原張中丞來電

寄外務部

愚齋存彙

卷六十五目錄

思補樓藏版

鄂督張宮保來電

寄美京梁大臣交福開森

寄張宮保

寄外務部

外務部來電

東撫周玉帥來電

外務部商部來電

外務部來電

寄外務部

豫撫陳毅帥來電

外務部來電

又

寄京外務部開封陳中丞

寄外務部商部江甯魏制台武昌張宮保鎮江端中丞

蘇州恩中丞

寄英京張大臣

外務部來電

寄外務部

張香帥來電

寄張香帥

寄粵督岑雲帥

外務部來電

張香帥來電

寄長沙王灼棠中丞

寄太原張中丞

寄商部

張香帥來電

寄張宮保

鄂張宮保來電

寄京外務部開封陳中丞

商部來電

寄開封陳筱石中丞

又

漢關道梁崧生觀察敦彥來電

寄梁崧生觀察

寄湘紳王灼棠中丞

張宮保來電

長沙王灼棠中丞來電

開封陳筱帥來電

寄王灼棠中丞

愚齋存彙

卷六十五目錄

三 思補樓藏版

濟南周玉帥來電

寄廣州岑雲帥

寄周玉帥

寄京外務部開封陳中丞

王灼棠中丞來電

陳筱帥來電

寄王灼棠中丞

粵撫張安圃中丞來電

長沙馮莘垞侍御錫仁來電

天津袁宮保來電

東海關何道彥昇來電

又

愚齋存彙卷第六十五

電報四十二

寄長沙張嘯圃觀察鶴齡

光緒三十年五月初一日

函到感慰鐵路自辦本上策接湘電卽告梁使知會美
外部廢約復電謂美政府有明文獨權保護美公司以
現在辦法爲無不合如廢約美公司必與訟美政府必
干預等語律師查第十三款載小票或倫敦或別處可
通銷則合興售票無可責問如匯豐是英公司其股票
朝更暮改分售無禁不足爲廢約憑據等語香帥亦以
爲難辦弟因湘紳籌款已足力任廢約已如所請於四

月十八日面告美公司代理人定准廢約惟合同及四千萬小票皆係出使大臣簽印外務部復奏奉 旨核准事關交涉權利得失皆屬 國事弟毫無瞻顧決不遷就現擬辦法一湘鄂或戶部速籌款備贖小票二另請外國律師將案情再行研究與訟三既關地方又牽交涉應請 旨派大員會辦四由總公司用明文知照美公司廢約五廢約即須停工如不得直預備賠償各款六由外務部照會駐京康使由駐美梁使照會美外部聲明中國廢約主義以上六條未便擅專已電請部示一俟部電核准即當會同席道聘請律師預備涉訟

公權糧篆芝翁益翁諸公能否親來一人或卽歸席道
辦理尤盼電復

寄北京外務部商部太原張中丞 五月初二日

晉鐵甲天下詳於香帥前疏令照晉礦合同權利悉歸
英商而澤道鐵路須我借款就地化鐵又不能拒絕雖
多方設法確如晉撫所言仍是中國喫虧彼佔便宜正
月三十日部電云晉礦本不應推歸洋商自失權利一
語破的無如英執合同晉撫派志道與商報効絲毫不
允違論權利宣懷不憚煩勞持定鐵礦鐵廠必與鐵路
同定現議鐵礦中英合辦鐵廠中國獨辦特立專條與

澤道路約同日畫押似此雖未能全收權利只要後人辦好總可收回一半其文曰一山西鐵礦福公司尙未開辦現經議定中國願與福公司合辦該省鐵礦以及化鐵需用之煤礦與鍊焦爐福公司應允中國合股開辦以五成爲度中英董事人數相同平權辦理其詳細合同另行會訂二中國 國家自籌資本准在晉省設立鎔化廠允將中國與福公司合辦鐵礦之鐵砂交由 國家鎔化廠煉成鐵磚以便易於火車裝運此鎔化廠或設在就近產鐵之處或在就近鐵路之處由彼此商定相宜地段安置其化鐵爐式樣自必選取各國最

新最精之圖樣估算辦理屆時福公司如有圖樣價值亦可一併呈送由督辦大臣擇其極相宜者辦理以期工速費省如果礦務興旺推廣辦理實多裨益應准商量中國國家推廣辦法以期盡善而保廠礦彼此利益至鎔化之費彼此商訂公道之價該廠如實係自己需用之煤及焦炭倘欲向中國與福公司合辦之煤礦或福公司獨辦之煤礦購買須訂一額外價值比外賣之價略減該公司儘先供用該廠既設之後國家須時常保全妥當合用而該公司除國家允准外不得將鐵砂寄往別處鎔化或別法銷用該廠亦不得於該

公司交鍊鐵砂有所耽延四該廠及日後推廣之廠均係中國 國家物產該廠督辦大臣應自選用合式化鐵師如屆時中國尚無稱職之人應向英國選聘以上第一條爭之數月始得就緒第二條又復磋商仍與二月二十九日部電大意不相違背第三四條仍舊是否 有當請鈞裁核示

外務部來電

五月初四日

蕭電所議四條均屬可行惟第一條既載明晉省煤鐵各礦均與福公司合辦其三條所載或福公司獨辦之煤礦係指何處煤礦而言希電復

寄外務部 五月初五日

與哲議側重鐵礦除鐵廠外需本無多其煤礦資本太鉅華商力量恐難一概合股故帶活筆如能一概合股更好當俟定議時再與討論

寄江甯魏午帥武昌張香帥 五月初五日

在甯與怡和洋行所議葆林公司代辦滬甯鐵路限期完工加給扣用一節該公司接電意在包辦葆林不能歸我節制恐中國喫虧太鉅以作罷論現仍僱用總工程司自滬至錫限二十個月行車照原合同實用實銷只須管理處及工程總辦得人自較包辦妥當且免更

改原約已函復照辦謹聞

寄外務部

五月初七日

康使所稱本國政府有辦理此交涉之權於他國則無預等語似尙可進一層向索切實憑據現與律師商擬數款一此時及此後合興公司股分之多半數須真確爲美國人自己所佔不得代他國人挂名二該公司須永遠爲美國公司及按照美國律例辦法三該公司董事該公司所派之管理處議員及所舉之頭目人員須常時爲美國籍人四該公司以後非預先經鐵路督辦批准不得派人來中國在鐵路辦事五美國政府永遠

承認該公司爲美國公司並有專權辦理關係該公司
權利交涉於他國無預以上如得有美國憑據似無他
慮應請大部酌核照會康使一面由總公司照會古總
領事並電梁使照會美外部辦理惟湘紳初二來電甚
疑做處偏袒美公司雖竭盡心力亦恐難期允洽各省
鐵路督撫本屬會辦張香帥爲原議大臣湘鄂又爲所
轄應請大部奏明特派該督臣會同籌辦以昭慎重

太原張中丞來電

五月初七日並致外務部商部

盛大臣蕭電悉曾敷前咨鈔晉豫原訂合同並鐵
借款利害各條想邀鑒及現擬鐵礦中英合辦

鐵廠中國獨辦挽回製鐵權利非苦心毅力爭持不克臻此惟念利害每相倚伏原議借款開礦六十年後尙可收回現擬中西合辦則爲彼此公其產業不知將來是否仍歸報効中國目下財力既認辦礦五成再須獨辦鐵廠股本恐不易集若仍不免借洋債或招洋股則此時力爭所得之權利終爲債主所得又斷不能許而不辦來電所謂全在後人辦好關係甚重想鈞意必有主持愚見前謂借款造路不可輕許實緣此路險艱異常軌里非遙而工費極重養路無出我常負此千二百萬

之債虧累無窮或照現議鐵礦辦法將此路股并
歸合辦藉爲分累之計否則議明此路借款應儘
此路車費抵付不能格外認賠庶可稍挽鉅累是
否有當仍乞鈞裁核示

寄外務部

五月初九日

據盧漢工程司沙多稟現有擬造鐵路極見關礙盧漢
一節卽報紙所載正定府至德州向濟南府而達青島
一路將次成議沙敢爲申言之福公司前請築鄆城至
浦口路當經阻止因其大礙盧漢南段利益今若築造
正定府至德向濟南以達青島之路勢必將直隸南方

及山西來貨趨向青島輸運不特大礙盧漢北段天津碼頭必至減色故此事實向中國政府阻止從前所有擬造之路能礙盧漢利益者屢經阻止在案此番自不必沙急切駁論且盧漢利益有損則中國政府每年必須補貼一千八百九十八年借款之本利矣尙有一層沙更應聲明外務部曾有文咨駐京比使言明嗣後凡有與盧漢關涉之路必先知照總公司沙敢懇督辦速向外務部阻止築造凡與盧漢交衝及接筭之路卽如正定府至德州至濟南者是也等語查正定若許德國造路至德州直通青島其患確不止損礙盧漢路利並

於天津碼頭有礙德國卽有是請大部北洋想斷不准
行沙多既有過慮謹以奉達乞示復

鄂督張宮保來電

五月十二日

冬遇泰等電均悉現據席道電已與尊處商定和
平了結辦法意在將美公司轉售他國之股收回
中國於美公司無損而中國權利亦稍有挽回當
易就範祈切商妥辦以慰楚紳之望

寄美京梁大臣交福開森

五月十二日

不退比股湘鄂定要廢約已告經士科兩訓條未得全
允憑據各小票本不能議

寄張官保 五月十三日

買股事接福開森庚電稱股分斷不可急買恐價必騰
祇能相機密收或須候數月方成觀此可否先卽回華
再行領訓到美徐辦收股等語初九與席道商復福電
密收恐不能多與美董商明二千股一起收買方免廢
約接福眞電據美董云一起收買萬辦不到收股須密
否則不但價騰又收不到現有七十股每股一百八十
五元欲買否乞示云席道擬商六千股外另加華股四
千股或二千股再行徐收他國二千股鈞意如何湘護
院覃電現委張小浦來滬過鄂請大帥示乞示南鍼

寄外務部 五月十四日

滬甯鐵路英商借款合同上年五月大部復奏核准後
卽照合同設立管理處總公司會同督撫札委直隸候
補道朱寶奎江蘇候補道潘學祖湖北候補道魏允恭
總理並派員帶同總工程師格林森覆勘全路已將上
海至無錫先行測量釘樑壁利南議請熟悉工程之葆
林公司代辦呈送估單全價總數不得過於二百十五
萬一千六百八十七鎊內有請給葆林酬勞七釐半包
定三十九月完工宣懷到甯帶同怡和洋商與午帥香
帥會商完工較速是益處估價過多酬勞過鉅且欲全

售小票是損處回滬後又復磋商多次公司不允總公
司與葆林專訂工程合同在甯所議不肯推動是與原
約大不相符當卽直截拒絕持定若不遵照原約只得
奏請中止現據倫敦怡和匯豐復電以現值日本戰勝
倫敦銀市較好准將葆林代辦罷論悉照原約辦理但
恐日俄久戰銀市變遷力請全售借票以免半途停工
宣懷執第一款分作兩次再四爭論按照總工程司估
計上海至無錫全工及鎮江至江甯段內先行應築之
工並歸還淞滬鐵路借用盧漢之款共約需二百萬鎊
之譜彼又堅請先售二百二十五萬鎊不肯再少又執

第四款未用之先生息數目索其一年內用者三釐一年外用者五釐彼電商倫敦只允通扯回息三釐半無可再爭又令具函聲明總工程司估計滬錫一段限二十個月可以閱車由錫至甯亦同時開工總公司極願將全路在三十九個月完工管理處當督飭總工程司力爲設法在三年三個月之內全路告竣銀公司斷不阻滯等語存案除會商督撫遴派本省大員一人總辦購地監工等事外查小票及餘利憑票式樣以及督辦大臣簽名圖記二十九年二月咨部之後先已咨送駐英大臣茲特將議定售票數目謹請大部核准電飭張

使按照合同第五款辦理並候電示遵行

外務部來電

五月十七日並致呂大臣

前日葡阿署使來言設關事因議院不准礙難入約如互換照會亦與入約無異答以事關議約仍應在滬商辦頃英薩使來言英政府徇葡政府之請囑勸中國將葡使所請設關改用互換照會一節不妨通融照辦云云此事如不入約有無流弊其餘各款籌議如何希妥酌電復

東撫周玉帥來電

五月十八日並致呂大臣吳大

日俄本有紅會專救戰場傷亡現萬國紅會兼救

難民用意微異料日俄難允然救難民實與彼無礙但能允我在場左近設局如遼瀋營口辦法亦係大善舉司肯多福如願往而經日俄使給以憑照請滬會卽僱用此與山東無涉然弟可派德譯員偕往此譯員薪資由山東紅會捐款內付至司肯月薪多少由會定川資應另付弟因其熟悉俄人最多故囑其到滬奉商不敢逕舉爲會中辦事之人會中如信司肯能與俄人接洽何妨與訂合同望轉告諸董事與司肯酌定

外務部商部來電

五月十八日並致呂吳兩大臣

現辦紅十字會以救濟難民爲要義如藉西董之助能達遼東更爲推廣劉令芳已告知所給護照尙是遼西字樣祇可相機設法前進德員司肯多福等到京當與接洽至所擬會章中國風氣初開但期簡要可行不必更求觀美西例繁重一時未易仿照似可隨時覓鈔無須電致各京聞日本官倡民捐著有成效就近取法較爲合宜否則章程雖備經費未充轉恐創始易而圖成難希飭查照前致楊參議函酌擬切實簡便之法咨送核辦瑞士原約卽梁大臣譯送之真奈五條款業已寄達

外務部來電 五月十八日

英使稱駐滬總領事電滬甯鐵路盛宮保已允今日破土開工忽令怡和應允華人充當董事總董否則不允將總工程司合同畫押此事於借款合同內既未載明應遲日和衷商議盛宮保於此結局之際動出難題阻礙事理應請電令立允該公司破土開工凡事與代理人和衷商辦等語查此路已否允其開工並有無添派華董之議希電復再霰電已轉知張大臣矣

寄外務部 五月十九日

巧電英使所稱各節均有誤會頃英領事霍必瀾來言
奉薩使命來詢滬甯發票遲慢之故告以總公司屢催
開辦英公司忽舉葆林代辦耽延許久近始議妥正欲
簽票乃英公司保薦之總工程司到華應與總公司訂
立合同而怡和欲由管理處與訂合同陰使不歸督辦
調度但總工程司是管理處議員之一此外華洋員各
二原因總工程司雖屬英人係總公司僱用故粵漢五
人中以總工程司列議員之首工程司赴工以華員爲
首今怡和堅請怡和二班爲首工程司又不歸我節制
是管理處彼三我二權盡在彼合同第七款聲明此鐵

路實係中國產業第六款載明辦事人員中國兩員寫在英員之前並無英員爲首之說以上兩層在所必爭如不說定不能簽票並告以此事領事本不應過問既來問信卽託轉告怡和如要通融中國人須加一員中英各三員庶可持平辦事霍云有理允卽轉告怡和大約各國公司每於合同夾縫中力爭權利稍一放鬆則數十年喫虧無盡若俟小票簽出則權盡在彼無可與爭乞囑薩使諭令怡和勿作無理之鬧以後方可共事

豫撫陳筱帥來電

五月二十日

據韓道國鈞稟福公司鐵路自道口至大王鎮現

已造成定於五月十八開車並擬賣票搭客載貨
雖經函阻尙未定期實已預備等語查原訂章程
並柯瑞信云此支路專爲運礦無意做別項生意
又哲美森前電稱如華商由公司鐵路轉運貨物
應與外部商定現在未奉外部行文遽擬賣票實
與原議不符且恐有礙盧漢鐵路利益除電請外
部駁阻外尊處前議給價收回有無成說能否尅
期希示

外務部來電

五月二十日

准豫撫電據福公司總工程司利德函鐵路自道

口至大王鎮已一律造成定於五月十八日開車
賣票查原定支路章程係爲轉運礦產之用與現
在賣票一事不符曾否向貴部商請如何駁詰候
示等因查此路現已議歸中國作爲借款修築與
從前情形不同惟合同尙未訂定應否准其賣票
希酌核電復

又五月二十一日

前於光緒二十七年十二月間德使來署以津鎮
鐵路草約第二十四款內載有展接支路之語堅
請展修支路二段一由德州至正定一由濟甯州

或幹路他處至開封經本部迭次照會並面爲駁
詰迄未定議糾纏數月始允正定一路俟津鎮鐵
路開辦後卽議接辦其開封一路應俟幹路築造
將成卽行議辦去年議定詳細合同時該使力請
將三支路一并訂入經本部知照袁大臣將支路
剔出勿將幹枝同議致與草約臨時酌定之議不
符現袁大臣將該款改爲應添支路或展接之路
臨時由中國政府籌款辦理德使能否照允尙難
訂定希查照

寄外務部開封陳中丞

五月二十二日

大部號電敬悉哲美森議道口至大王鎮已完工尙有
大王鎮至清化十二英里仍要由彼代造全工未完清
帳難交彼欲我先簽合同卽給小票如將來估價不值
由公正人斷結與英使交大部兩款相同宣恐一給小
票權盡在彼自應將已完之工先呈原帳派員估核卽
照定價填入合同先給小票其未完之工可令工程司
約估清單中國派員監察俟工竣再定實數方是正辦
哲所爭不定價先出借票自知理短故求英使日內哲
由津回滬仍擬持定先估價再出票並須遵照陽部電
修改晉礦專條似此工程司所商賣票一節似以暫緩

爲是俟合同奏准之日派員前往管理行車再行賣票
界限較清仍祈大部裁定

寄外務部商部江甯魏制台武昌張宮保鎮江端中丞
蘇州恩中丞 五月二十三日

滬甯合同第五款張宮保增入小票發售時華人願購
若干張銀公司應照數留存與照倫敦發售一律云云
現該公司售票在卽照約來詢有無分行躉售之意查
鐵路爲中國產業借款小票華人如能多購滬甯鐵路
造成之後票價必漲粵漢爭執均是前車此條已增訂
在前應請大部暨各疆帥勸諭京外官紳本省商富爭

先留票將戶名張數迅電敝處以便函飭照數留存幸
勿遲延至在路華員已諭飭量力酌購矣

寄英京張大臣

五月二十五日

滬甯借票已核准二百二十五萬鎊請卽發電復

外務部來電

五月二十六日並致呂吳兩大臣

俄使稱中國紅十字會在遼西所設醫局切勿用
外國人緣西人所僱僕役多係日本人至遼東萬
不可去否則俄人必將醫局佔作兵房等語希密
飭派出各員妥慎辦理並勿遽至遼東免爲藉口

寄外務部

五月二十九日

呂吳兩大臣會電

省電遵卽轉飭總董密飭派出各員妥慎辦理並勿遽至遼東據稱遼西並無醫院營口遼陽奉天均係西董所設滬會給經費藥物遼陽尙無辦法營口開辦已數月奉天俄員現恰薦用俄醫此間派出會員徐信樸任錫琪以遼瀋官商函電籲請電飭冒險至瀋增帥據西董所請派梁守李經歷至營均係商辦救護難民事宜漸有端倪該員等冒險好義勇往爲人所難俄員均尙以禮相待現遵電該員等以醫院西董經辦該員等均專商救護飭其酌量情形進止勿使有所藉口至救護難民出險營口救有德人烟台救有俄人韓人均卽宣

布 皇仁憲德視同一體既表明中立之義亦屬中西
聯合應辦之事現俄使赴部饒舌自應燭其妥慎將事
惟前經周玉帥薦來之德男爵司肯多福已經訂立合
同給予訓條照會並派游擊許正壽與之偕行司肯多
福精通俄語向與俄人接洽並持有俄國德國憑單似
與別人不同應否聽其前往懇大部鑒察維持等情海
等查該董所稱均係現在確情聞徐任梁李之赴瀋營
應付俄員亦尙得法現已由該董電飭酌量行止司肯
多福甫與定約派員偕行或俟其到京由各該使與定
行止或姑任其往統候大部裁示所有問答合同訓條

照會各稿卽日咨呈再頃接瀋電增帥以俄不給照電
懇大部與俄使商酌竊思俄使已有前言在先再商似
屬無益不如仍由該會中西員董相機商辦較爲穩妥
是否並祈察酌

張香帥來電

六月初一日

滬甯鐵路小票共分幾次出售現售第幾次每次
售票若干交款約在何時各省分籌尊意如何攤
派均望速示此路爲最富庶之地中國必宜盡力
收買股票以挽利權查合同第五款 國家有款
撥交總公司歸入鐵路帳內與售賣小票之借款

一律支用卽將三百二十五萬鎊之數照撥款若干扣減等語是我買伊小票尙受折耗之虧若作爲國家撥款則一萬是一萬無所謂九扣無所謂虛數豈不更善究應如何辦理統祈詳籌迅賜電復以便與各省商辦至盼

寄張香帥

六月初二日

英公司力請全售小票執第一款飭總工程司估計二十個月內所需作爲首次發售借票二百二十五萬經外務部核准電飭張大臣簽印聞今日已開售匯豐昨來函詢中國認買若干彼卽留票若干交款日期不妨

愚齋存彙

卷六十五

電報四十二

七

思補樓藏版

稍遲而定數只在此數日閒如欲攤派各省須候各省
回電方能有認買數目勢恐不及鈞意照第五款辦法
只可入二次務須於未准簽發小票之前各省先定若
千數目作爲 國家撥款便可少給借票可否請台端
一年之內與各省預爲籌定至首次借票鄂省須備若
千乞示商部及江蘇督撫均未必有

寄粵督岑雲帥

六月初二日

裴事又與白使磋商白竭意送情允電澳督迅速交粵
但切囑弟懇請台端務守信約事關葡英兩使及澳督
三處情誼等語弟答以尊處所以力爭者爲國體耳豈

爲一人哉儘可放心祈密察

外務部來電

六月初五日並致呂吳兩大臣

頃准駐英張大臣電稱准瑞使文稱貴政府請入
紅十字會業經本政府照准并已知會各國等語
希飭滬會查照

張香帥來電

六月初五日

湘紳公電云昨讀盛大臣致宮保並張護院冬電
知鐵路事已主持廢約籌辦各條悉合機宜所云
籌款贖回小票乃題中應有之義刻下無論賠償
購地總以趕緊籌款爲第一要義至請旨派員

會辦係因事關地方又兼交涉事體重大湘省前
派席道黃道未足相助故又有請派大員之議查
王灼棠中丞前辦交涉多年爲外人所推重且與
盛大臣共事有素湘省鐵路又其所夙夜經營欲
爲地方除後患固善國者以湘人辦湘事自必竭
力磋磨與盛大相助爲理於鐵路事大有裨益官
保如以爲然請與盛大臣張護院合詞電請外務
部代奏請旨簡派勝於他人多矣等語特電達
至應如何採擇酌敘之處統請裁酌爲要

寄長沙王灼棠中丞

六月初七日

合興股分福開森已代買一百二十股墊付規銀三萬
五千三百七十八兩零如得三十萬鉅款自可陸續收
購此事望公來滬正在電商會奏昨接香帥來電屬爲
稍緩再議另想名目先請相助爲理隨後再行請派等
語原電已交席道轉達弟已電復香帥請卽與湘中商
示總之無論奏咨亟盼駕臨會商以定方鍼

寄太原張中丞

六月初十日

礦務專條已聲明仍以平盂潞澤爲言初念製鐵廠應
歸中國獨辦鐵礦與煉鐵之煤礦焦爐應歸中英合辦
其煤礦需本最多不妨仍歸福公司獨辦今已照部電

改爲各礦均合辦惟此項資本若仍借福公司則事權
仍必全歸福公司鄙見將來礦廠工本如無力自措亦
必另行籌借方妥福公司動輒請英使向部恫喝弟仍
堅持必欲礦廠路同定稍資補救彼尙多要求迄未畫
押張都司先赴澤潞查勘承允籌款購買此係力爭上
游張所取到礦樣請隨時寄滬以便化驗高下函報尊
處此亦選礦要着

寄商部 六月初十日

三十電粵澳商路專由做處酌辦遵擬選商與議此路
既歸商辦雖有葡商合股凡商人應受利益 國家應

得報効似須與華商一律方與新定商律合符現在華商獨辦只有張榕軒潮汕一路請將大部核准潮汕章程迅速咨行日內卽須開議倘蒙摘要電示更感

張香帥來電

六月十一日並致袁宮保楊京卿

漢口招商局之上馬王廟江岸經日本大阪公司向華民租購建築馬頭安設躉船已歷七年該處距襄河口甚近每遇襄河盛漲江流迅急時民船屢有觸碰該公司躉船淹斃人命之事數年以來釐向日領事商令遷移該公司謂大阪所租之地與地主訂明二十年爲限此時日租界尙未修築

完備並無客貨斷不能移泊躉船於無用之地堅
不就範然民命所關斷無聽其久據爲害之理辯
詰數十次將決裂者屢矣近始籌得一法查招商
局躉船之下太古躉船之上中開江岸寬約四十
餘丈業與商明由中國在彼處安設一躉船租與
大阪公司停泊輪船起卸客貨惟必須近岸有堆
棧始允舍彼就此是處左爲鐵路公司漢局右爲
湖北商務局及電報局莊道寓宅聞均係招商局
出租現擬將大阪公司所造洋樓及昆連貨棧與
湖北商務局暨鐵路漢局掉換租用言明有一方

地換一方房屋如有修改退租時照原式造還事
在垂成非此不能遷讓竊思此數處公所即使略
移向上仍是臨江並無妨礙用特馳電奉商務懇
慰帥杏翁暨杏城京卿軫念年年武漢無數民命
所關眾情盼望俯允通融換租租價如有上下歸
湖北擔認大阪洋樓貨棧如不合用亦歸湖北代
爲修改要修何等式樣何等成色無論如何精美
鄂省皆能照辦倘承鑒許祈飭知招商局鐵路漢
局遵照做處當飭江漢關梁道妥商辦理日領事
數日內卽回國立候電復感禱萬分

庚子不彙

卷六十一

三

寄張宮保

六月十三日

真電所商鐵路漢局所租招商局房屋掉換大阪公司
房屋仍前租用一節已飭錢道遵照辦理

鄂張宮保來電

六月十四日並致袁宮保楊京卿

前真電奉商擬將漢口江邊鐵路局所租招商局
之屋暫租與大阪公司作堆棧另為鐵路招商兩
局租屋互換事昨盛杏翁復電鐵路局已允招商
局現在並不用此屋此事議定立約以十年為限
限滿仍還我想可允行實深感荷招商局於換租
之屋如嫌不好無論需如何拓地寬綽如何改修

精好惟商局之命是聽鄂省皆當照辦但以保全
民命爲重決不惜費祈慰帥速裁奪示復日本永
濳領事日內回國急須定議切盼

寄京外務部開封陳中丞 六月十六日

豫庚電部蒸電均以利德擬運鹽屬令商阻現將養電
所商俟合同奏准之日派員管理行車再行賣票併向
哲美森商阻哲云利德函稱有鹽商煤商請公司鐵路
代運當經函復原訂既無不准儼貨字樣今合同早遲
必簽押擬將行車餘利自賣票日起至收回日止撥入
中國買路帳內且原合同雖言專爲運礦但商民請代

轉運公司不敢謂不應邀准等語在哲意收同之前賣票不賣票得失皆歸買路帳上我所慮先准賣票萬一合同難定無可挽回現議賣票日起即可派員管理行車並於進款酌提報効便可無礙頃擬立據如下盛大臣因現商訂合同未簽字之前擬暫訂辦法卽福公司應於行車進款內酌提百分之五報効豫省並派韓道台同利德商辦行車生意查看各項帳據惟不干預福公司日行平常車務以及所用之人云哲允電商倫敦再給憑函宣亦允電商大部豫省再定如倫敦允可否照行乞電示

商部來電

六月十六日

張榕軒請辦潮汕鐵路章程底稿卽去年由尊處
咨送者現該處若何辦法及所訂合同等項尙未
詳報本部亦未經核准無從咨送且潮汕是華商
獨辦究與粵澳情形不同似亦未便援引仍請另
議妥章咨部核定

寄開封陳筱石中丞

六月十六日

哲美森謂中國官只能禁華人買票不能禁福公司賣
票語甚無理諫電所擬辦法大費唇舌候示卽與商定
合同未定以前應請尊處札飭韓道管理行車稽查帳

目以便核收報効之款

又六月十八日

接部篠電如接倫敦准電本部即可照准希查照云尊
意如何乞示

漢關道梁崧生觀察敦彥來電

六月十九日

大阪躉船一案往返辨論相持數年之久近奉宮
保督憲諭以由官擇地設立躉船碼頭棧房租給
應用始允將該公司自設之躉船遷讓惟華界內
除鐵路漢局商務局地段別無可容躉船之處業
經宮保督憲詳電奉商承允將鐵路局屋讓租同

深感仰惟袁宮保復電以招商局商董不願換租未蒙慨允竊念招商局在漢已設有兩躉船儘可敷用其載運水腳係三公司合算利益並不能獨享大阪公司躉船繫在其上招商局生意未見侵損則移至其下自亦無礙今宮保督憲爲保民命起見不惜鉅費擔承改造調停委曲實具苦心上年力阻德國躉船停泊龍王廟德國卒從鄂議此次日本復允撤其躉船亦曰以人命爲重耳夫美最時與大阪同屬外人爲民命故猶知感動招商局同是華人經商湖北似鄂省民命亦當顧念况

招商躉船錨鍊全佔職關官地從未與之計較此
係格外通融茲官保督憲商租其出租不用之屋
竟不見允可謂格外挑剔揆諸報施之道似有未
安倘官中援例相施撤其錨鍊恐招商局亦多不
便在湖北之商局而置湖北民命於不顧於商局
聲名固屬不美而商局與紳民結怨於商務亦不
相宜且各國通例凡屬長江大河水面皆爲國
家之地中國於近岸水面任聽民間佔用本係通
融辦法若官不通融則水面之權官可自主雖招
商局亦不能不聽命於官憲台仁心爲質異族瘡

疾猶思拯救矧屬同胞商局舊隸岬嶼眾商共戴
伏懇俯賜維持剴切勸諭各商董暫將出租鐵路
漢局之地租與湖北不過十年便可退還原業並
非久假不歸有此一舉俾外人知中國官商尙能
顧全 國體聯絡一氣稍減其輕藐之心大局幸
甚民生幸甚情迫懇求務祈鑒察示復

寄梁崧生觀察 六月十九日

尊論大阪躉船一事甚佩敝處一奉帥電卽飭錢道照
辦至招商局事弟自交卸後從未敢過問聞前途意甚
堅持姑將尊電轉送該局閱看但恐鄙言不足重耳

愚齋存案 卷六十五
寄湘紳王灼棠中丞

六月十九日

會奏一節鄂先屬滬主稿嗣鄂來電徐培被斥恐此時
露面亦有不便似宜稍緩再議或另想名目先商相助
爲理隨後再行請派等語遂不復可否鄂湘滬先行會
咨外務部商部後再請派鄂昨電已與春帥面商會咨
閣下辦理湘境鐵路籌款事宜屬弟主稿會鄂湘銜咨
照前途等語頃嘯圃述過鄂香帥面言蘇子熙事屬緩
奏我公資深望重區區路差何足維繫但念廢約籌款
關係甚重弟冒不韙之名目前不敢諉卸俟大局籌定
決計乞退屆時必可合詞請派現暫照會咨務請振袂

卽起至深盼禱

張宮保來電 六月二十日

王灼棠位置只可相機試辦此時仍只宜會咨萬不可遽行奏派桂事方緊江鄂本在派兵援剿豈可提到故將軍一提必然忤旨設遭駁斥或留中不報則從此文機阻絕無可生發矣此乃十分關切灼棠之意望爲婉達至會咨內聲敘俟購股購地籌款等事辦有端緒再行會奏最爲周妥得體所酌核

長沙王灼棠中丞來電 六月二十二日

雅意至感湘路得公主持戴德不已敢有違言承
示鄂電云云實堪詫異廣西之役兵餉奇絀春苦
心經營肅清邊界並將內地大股殲除曾奏明准
四個月內將伏莽搜捕淨盡布置正在得手遭讒
去官後來者故反所爲有意縱匪以實其言將得
力將領先後撤罷致令匪蹤復熾孰是孰非桂省
人民皆知之非春所能掩飾也悠悠衆口何足與
辯竊意香帥知我當能不爲搖惑乃前聞在京與
惠棠言謂春有冤難訴已非知我之言五月聞柳
州失守湘境戒嚴湘紳桑梓關懷公電香帥舉春

督兵往援並公捐銀二萬兩備四個月軍餉作爲
春毀家紓難之舉請奏明派往春念舊治人民慘
遭塗炭鑿諸君之意亦欲身臨前敵拯我災黎設
或不濟則拚馬革裹尸以酬知己而雪沈寃並非
別有希冀不意香帥輕信人言視春爲債驍駒且
恐得罪於夫已氏接湘紳電後一字不復甚至區
區鐵路一差亦謂不可露面且以蘇相提並論不
思蘇之養癰貽患衆目昭彰係春奏劾之人春在
桂祇九閱月勦匪振災成效具在香帥比我於蘇
實覺不倫春歷官粵鄂爲香帥僚屬者十六年其

長卷不列
卷之三
三

初督辦瓊州海防支持危局越南勘界三年出死
入生使俄時值日俄戰爭遼東將去招集各國豪
士報効戰艦二十號冒死赴敵經香帥奏奉 諭
旨嗣因倭約急定事遂中止退船之際各懷義憤
羣情洶洶委曲求全備極難堪非盡調停賠償也
迨至法國接香帥電奏後隨商法外部以賦稅各
分管理兩國合保台灣百端磋商始允派船駐台
旋以我國展約失信法有後言此時求全之毀一
身認之使 朝廷免出兵費多方抵制方得離開
巴黎都城奉 命回華凡艱難困苦之役所以佐

香帥殊勲成香帥盛名者每不惜一身以酬知遇
此第舉其大者此外更僕難數卽撫院時大通一
役保全長江使勦辦稍遲牽掣大局且貽香帥之
憂春之爲人是否如夫已氏所劾報館所言香帥
卽記事無珠亦不應善忘至此以二十餘年之公
義私情乃竟爲浮言所動一則曰不便露面再則
曰務宜從緩是非爲春謀實恐開罪夫已氏也士
誦於不知已而伸於知己之謂何香帥一代偉人
初不謂其瞻顧乃爾承囑振袂卽起事關桑梓兼
荷隆情敢不唯命第以不可出頭之人一蹶理難

復振不能見信於昔日同患難之知己又安能見
信於今日之鄉人膏肓均廢心焉甘之方且謝絕
俗務樂我田園鐵路雖重大有執事福我湘民兼
得湘中各紳合力商辦春廢棄餘生譬諸腐薪渙
泥一無可用不敢聞命伏乞鑒原

開封陳筱帥來電

六月二十三日

福公司賣票事昨已遵電札飭韓道管理行車稽
查帳目與利德妥商辦理頃據韓道稟陳四條一
曰公司現在賣票當合同未定之前派人查看行
車帳目酌提報効於事機似無窒礙此可照辦一

曰哲云擬將行車餘利自賣票日起至收回日止撥入中國買路帳內而盛大臣云應於行車進款內酌提百分之五報効豫省按餘利與報効有兩層比較曰餘利須除去養路各費與薪水人工一切之需贏餘方能歸帳似不如不問盈虧就其運費但有百分卽抽其五之實在此必須劃清一曰商辦行車生意查看帳據此事責任極重必精通英文熟悉鐵路情形之員始有把握擬請盛大臣速派得力委員來豫專理此事至該員應歸何處統轄薪水應由何處支領應請一并議及一日來

電慮及先准賣票萬一合同難定無可挽回不如聲明現議派員管理行車酌提報効此係合同未定以前暫時辦法將來如不賣歸中國仍遵照原合同轉運礦產不得以此次賣票爲藉口等語查此路現議買作盧漢枝路派員管理行車卽應作爲盧漢所辦之事哲云所獲餘利撥入中國買路帳內旣屬中國公款豫省何必獨取報効卽以報効而論若就其運費但有百分卽取其五方是正辦倘由餘利內酌提百分之五未免有名無實趁倫敦尙未復電卽祈與哲妥商電飭利德照辦庶

與韓道接洽並望迅派精通英文車務之員來豫
會同韓道辦理

寄王灼棠中丞

六月二十五日

公屢當大任公忠偉略一時其仰時方多難小屈必有
大伸此次公請蒞滬上爲中美解紛下爲梓桑任事公
義私情諒邀兼顧務望掃除一切毅然出山若因鄂電
從緩請派竟忽然不來豈不令人疑公出處之際僅以
一奏遲速爲權衡殊非所望弟設身處地當泰然處之
命駕一遊有許多事面談久暫不妨再定尊電昨商席
張鄭勿庸告鄂以泯痕迹謬託三十年知己當蒙採度

濟南周玉帥來電

六月二十五日

前聞公密奏安危大計有人疏請派使與諸強約
勸日俄停戰議和確否中國應早籌及此舉與其
後來專與戰勝之國相商盍聯列強早商公意如
何乞密復

寄廣州岑雲帥

六月二十六日

敬電慰悉微勞何足挂齒所盼桂省軍務早了公可以
全力圖自強日軍不久得旅順狼去虎來豈是昇平時
會

寄周玉帥

六月二十六日

日軍已薄旅順俄將退守北遼遲早必由諸強勸和我
雖資格不穀亦須勉厠其閒前疏請先派使聯合各強
早商保全滿洲以均勢立說以公開作辦法未可專與
戰勝者言尤慮藏爲英佔桂爲法侵則事休矣公意如
何

寄京外務部開封陳中丞

六月二十八日

六月二十五日哲美森送來會議節略內開行車之事
訂明福公司應於行車所得客貨搭客款內酌提一百
分之五報効豫省並派韓道台會同利德商辦行車事
宜一切俱如六月二十日來函所述云云又訂明行車

如有虧折中國 國家與福公司各認一半此係合同
未定以前暫時辦法等語除鈔咨外請大部電豫卽派
韓道照辦

王灼棠中丞來電

六月二十九日

徑電雅意至感敢不遵命惟前接小圃由鄂來函
言購股有後患宜慎重人心因之渙散嗣得其滬
電擬有辦法四條又云股可購眾情恂恍莫衷一
是事關大局春一人恐難維持馮莘培與公舊好
春擬邀之偕往諸事可資商辦請公致馮一電請
其赴滬俾春初聞可約同來否則恐難勝任也

陳筱帥來電 六月二十九日

福公司報効一款豫省未敢自私應請作爲報効
中國 國家以正名目又前據韓道稟公司賣票
五日儘得錢百千不敷人工煤價之用將來難免
虧折若照哲議誠恐得不償失祈與哲妥商如因
合同未定以前祇能如此辦法亦應將虧折各認
一半之意刪除以杜後患除電外部外管見所及
希盡裁示復

寄王灼棠中丞

七月初三日

湘紳公電所詢小票一節第以爲無足過慮屆時倘有

爲難仍不妨售與美人但買股亦甚難非有現銀等候
機會不可擬俟小圃蘇回再與熟商方可復此公電乞
先轉致諸公

粵撫張安圃中丞來電

七月初四日

粵路所用洋工人等多有飛獵濱當兵美人及印
度洋人粗暴無賴屢次槍斃人命現在開辦伊始
如此多事將來工程愈廣後患何窮粵省人情浮
動匪類遍地往往藉端生衅設再任令洋人妄爲
必致激成大變務祈執事商明美公司將一切無
賴洋工及印度人開除選用安分之人並妥訂章

程責令嚴加管束如有洋工滋事必應按律懲辦
不得僅以革退了事庶有所畏憚不致仍前縱容
滋擾至懇

長沙馮莘培侍御錫仁來電

七月初四日

路事變爲買股自應按約通籌股價無常尤須審
慎事關重要現既大端未定他似無可籌商湘省
經督撫帥主持既有張觀察在滬與席沅兄稟承
商榷自得指歸苟公之行意似不決弟路事本非
素悉赴滬何益還家在卽方命乞原

天津袁宮保來電

七月初五日

並致各省督撫

做省入伏後彌月雷雨山水暴發永定河南四等
工漫口北岸又相繼衝決並千里隄等工同時漫
溢數年以來此爲非常之災億萬生靈慘罹浩劫
自維德薄不能感召天和曷勝愧疚惟目前籌放
急振刻不容緩以後籌工籌撫需款尤極浩繁直
隸本係缺額省分兵燹以後元氣未復庫儲若洗
復值此天災流行一切實無從措手查往年河決
爲患歷經乞援各省蒙慨籌巨款接濟工振要需
隨後勸捐歸還循辦有案今日事同一律而情形
較亂前倍難夙仰盡抱公忠救災卹鄰不分畛域

近畿重地災重款絀當更上厯遣懷務祈設法籌
墊巨萬迅賜匯解俾工程有所藉手當一面飭局
寄奉部照實收呈請督飭司局認真勸捐藉資歸
補感紉公誼豈有涯量專電馳懇不勝迫切待命
之至

東海關何道彥昇來電

七月初六日

初一日黎明俄一雷艇進口薩鎮立將該艇機械
拆卸員勇簽狀派弁看守臨暮來兩日魚艇薩鎮
告明彼云卽去忽於夜三鐘開槍逼拘俄艇員勇
落水遇救薩鎮拒不聽竟拖俄艇而去現由北

洋電外部切詰日使職道與薩鎮俱有防範不力之咎

又七月初六日

探聞初一日俄一鐵艦三雷艇逃青島俄督砲殞成山左近毀俄二雷艇弁兵六十威海救出初四日海參崴沈俄一艦損二艦又傳聞快船雷艇各一逃赴滬確否未審